

職官考

館閣

諸司

文獻備考



東國文獻備考卷之二百二十

校正

職官考

九

館閣

春秋館

新羅高句麗百濟皆有史官

臣謹按新羅真興王時伊飡異斯夫建言國
史記君臣之善惡示褒貶於後代苟不修撰
後世何觀於是命大阿飡金居漆夫等集文
士修撰高句麗國初有史一百卷名曰留記

至嬰陽王時又命太學博士李文真刪修百
濟亦命博士高興修國史觀乎此可知三國
之皆有史臣而設官稱號未可攷

高麗國初置史館掌記時政監修國史侍中兼之修
國史同修國史二品以上兼之修撰官翰林院三品
以下兼之直史館四人其二權務忠烈王併於文翰
署爲藝文春秋館忠肅王分藝文春秋爲二館春秋
館置修撰注簿各一人檢閱二人後改供奉修撰檢
閱又有領館事監館事首上爲之知館事同知館事
二品以上爲之充修撰官充編修官兼編修官三品

以下爲之恭愍王改稱史館置編修官檢閱直館尋
復稱春秋館供奉修撰檢閱吏屬書藝四人記官
一人

補高麗設藝春秋館典校寺于禁中仍弭禁內

補仁宗二年金守帷爲直史館李資謙之亂宮闕

連燒守帷直禁中負國史至山呼亭土掘地藏之

得不焚毅宗時以此褒贈

詳見藝
文考

補明宗十六年以上將軍崔世輔同修國史時有
人訐重房曰修國史文克謙直書毅宗被弒之事
宜令武官兼之使不得直書克謙聞之懼密奏於

王王不取。違武臣意。然惡其非舊制。乃下制同修國事。世輔擅改事字為史字。

①補二十三年又以杜景升監修國史

①補史臣徐居正曰。世輔景升皆起於行伍。目不知書。今日世輔為監修國史。明日景升為監修國史。夫國史直筆也。惡直筆而自監之。烏在其為信史乎。如世輔景升一廝悍老兵耳。無足多責。獨惜乎克謙以儒名。世劫於武士威勢。首倡邪議。誤萬世之國史也。

①補高宗十四年監修國史。平章事崔浦淳修撰官

金良鏡任景肅俞升朝李奎報權敬中趙文拔等
分年秉筆撰明宗實錄成藏於史館及海印寺敬
中所編四年事別撫災異為一書以著其應

○補高麗時歷代實錄皆藏于海印寺三年一曝
曬

○補權近送史官曝史序曰史公天下之是非垂
萬世之勸戒上而君上政理之得失下而民俗
習尚之美惡古今之治亂國家之興敗凡人事
之鉅細終始精微曲折遠而至於天地日月風
霆霜雹之變微而及乎草木鳥獸羽毛鱗介之

異莫不隨事備書以信於後非文能之乎在明
乎而已理明則辭必約而盡文必直而實以之
論天下之事如權之稱輕重如度之量長短如
燭之照如龜之卜是非不差而勸戒明矣

補元宗時俞千遇爲史官不修國史曰當時國
家事皆晉陽公所爲吾家厚恩何敢傳其惡於
後世耶盖千遇被崔怡拔擢大治薦用故云耳
補忠烈王卽位初至肅州迎公主留從臣于龍泉
驛承宣朴恒曰史官記人君動作不可一日無也
乃令直史官李源從行

⑩二十年以武臣尹恒監春秋館事

⑪李晬光曰余爲內翰日曝曬得閱地庫諸書前朝時秘史甚多有海東金鏡錄一卷李齊賢等所撰未克成書者而記事頗有可觀又鄭拯李詹所爲史稿即家藏史草也書事詳悉天災時政直斥無隱卷首又直書姓名其事近古恭讓王時藝文春秋館上書曰藝文掌詞命春秋掌記事此皆重事也是以先王置官禁中仍號禁內而今館在外非先王設官之意也願自今以史翰二人入直于內以復舊制王從之

史官崔蠲等上書曰史官之任君上之言行政事
百官之是非得失皆得直書以示後世而垂勸戒
故自古有國家者莫不以史職為重是以本朝設
藝文春秋館選有文行者八人同任史翰之職又
置兼官以領之所以重其任也近年以來史翰改
而為二兼官亦不供職但以供奉以下四人當之
不能備記實非國家置史之本意也願自今以史
翰八人同其職任各修史草二本秩滿當遷一納
于館一藏于家以備後考兼官充修撰以下各據
見聞錄為史草悉送史館又本館直牒京外大小

衙門凡所施爲之事一一報館以憑記錄永爲恒式王從之

本朝太祖元年曰麗制置藝文春秋館

員額詳見藝文館

後

分置春秋館有領事一員領議政例兼監事二員左右議政例兼知事二員同知事二員並以他官兼修撰官七員副提學六承旨例兼堂下則三四品稱編修官五品稱記注官六品以下稱記事官議政府舍人檢詳弘文館直提學至正字藝文館奉敎至檢閱承政院注書承文院判校宗簿寺正各以本品例兼編修記注記事官司憲府執義至持平司諫院堂下

官一員兼記事官六曹堂下各一員輪差記事官八

道都事壯評事及京畿忠清慶尚全羅平安五

原本作右

道恐誤道文官守令兼記事官燕山改記事官為錄考

官中宗即位初復舊

卞季良曰史官之職在人主左右記言記事傳

之萬世職親地遠自古常選館閣之名臣若代

言省卽兼之故曰儒林重選自前朝至今未有

以卽將中卽將司直副司直而帶是銜者唯前

朝叔世有以卽將而兼司憲糾正者班者從六

品之末與通禮門祗候等及國初故文忠公臣

趙浚為相改糾正為監察陞正六品遂不復使
郎將兼之

補世宗十三年太宗實錄亟成上欲觀之右議政
孟思誠曰實錄所載皆當時之事以示後世皆實
事也殿下見之亦不得為太宗更改今一見之後
世人主效之史官疑懼必失其職何以傳信將來
上乃止

補世宗元年教曰予之得失萬目所見不可諱也
史官當從實詳記今後講武史官必備二員慮一
員有故而未及詳記也承旨等亦須記之然我國

記事之文不及中國但求不爽實而已工拙不必論也

①補二年始立注書記注之法

①補六年魚孝瞻啓曰世宗朝立時政記修撰之法大抵君上嘉言善行史官固當記之其散見於行事之跡則不能遍記必待時政記而可備載矣

①補睿宗元年復史官試才以左傳通鑑中試一書
①補時修世祖實錄令乙亥以後帶春秋者皆納史草而各書本官姓名時閔粹旣納草恐大臣惡其直書陰請奉教李仁錫僉正崔命孫出其草不許

又要博士康致誠袖出與之粹倉卒改竄不能正
寫而納之檢閱楊守泗崔哲寬見其塗擦白于叅
議李永垠徧告諸堂上遂聞于上初正言元叔康
啓史草書名非古也恐後無有直書者上怒而不
從至是副正金壽昌告叔康史草亦多塗改遂俱
下獄上親鞠粹云臣所書皆大臣事也大臣皆在
實錄閣臣恐為中傷故謀改也因大哭曰臣獨子
願續軀命上惻然曰直哉予在書筵時知粹之爲
人遂杖一百濟州爲奴致誠初不以實對且誣引
舍人成俶知狀拷掠乃服遂并叔康處斬命孫仁

錫知而不告並杖一百本貫充軍

(補)尹根壽曰洪允成監春秋館見時政記書已
惡狼藉憤曰倭楮綱目我國人亦不肯覽何況
東國通鑑乎任汝書之誰肯見東國史乎

(補)明宗乙巳士禔後或謂權奸輩曰後世史筆
可畏荅曰東國通鑑有誰讀之

(補)成宗二十年檢閱李胄奏曰史貴記實以古史
考之有曰勃然變色曰聲色俱厲曰容貌自若中
朝史官秉筆立帝之左右我國史官伏而記事臣
竊以爲不可上命自今史官坐而記事

補燕山四年修成宗實錄堂上李克墩見金駟孫
史草書已惡且詳書世祖朝時事欲曰此報怨密
語捻裁官魚世謙曰駟孫敢毀世祖何不聞於上
世謙愕然不荅又謀於柳子光子光攘臂曰此豈
人臣敢遲疑者哉卽與大臣尹弼商盧思慎韓致
亨俱詣啓達鍛鍊成獄駟孫被極刑遂起大禍
補中宗十年命以諸道都事文守令兼春秋館記
事官教曰史官之設務廣記載凡關治道焉後世
勸戒者靡所不錄其職也在朝史官局於聞見遐
方絕域之事漏而不書泯滅無傳其以道內都事

文守令兼春秋焉

補明宗三年己巳權奸輩既作士禍慮後世公論之難掩托以作續武定寶鑑收覽史草則安名世史草多直筆遂下獄鞫之名世裂衣幅書疏以爲自古無殺史官之時獄官陳復昌却而不受名世遂衣朝衣就市士林喪氣

宣祖元年設修撰廳撰大行王行狀將以請謚于天朝也大臣請開史庫以考實跡史官不肯開上劄請勿觀史兩司亦啓請勿開乃止

補李珣曰秉筆直書史官之職也不罪良史朝廷

之責也史官之秘藏非其任也但人君平日自
覽史冊則史臣畏誅不敢直言故前世史官或
有秘而不進者矣近來士褐甚憐史官尤以深
秘爲其職此亦出於不得已也但修撰行狀非
平時之比不考實跡則無所用其史矣可謂懲
熟羹而吹鑿者矣

補金誠一曰史職記君舉也容貌辭氣之間亦
當審視而詳記可也而今則凡侍之臣皆俯伏
不敢仰視若其言行之大者猶可記至於察言
觀色之道則蔑如大非記事之體

補又曰史院之風只委責於下番一員他無所預
國史之不信亦以此也且新進之士茫不知朝
廷是非秉筆黷黷不知所書其所記者不過乎
陰晴朝報而已欲革是弊使奉敎以下輪日八
番一番所記八員齊會一堂商確叅證刪定無
疑然後八侍政記則庶可矣又曰古有太史之
官皆以久任爲職故能成一代信史如班馬等
史是已後世則不然所謂史官未必真得其人
而遷叙無常人懷苟且其肯尸責如此而欲成
信史難矣今日之計擇才爲先而又必久任然

後庶或可也

李廷龜實錄印出廳題名錄序曰我聖朝堯傳舜承二百餘年禮樂文物煥然可述國初首建春秋館以掌時政記注而累朝信史俱藏于此又重印三分本置于金星忠三州審曝以時守直有制是實藏之名山副在京師之遺意其爲國史長遠計豈不周且謹乎不幸壬辰之變三道圖籍百年文獻盡八腥羶蹂躪之場顧此實錄編帙極夥既不暇搬移於倉卒之際忠星二局及內館所藏皆付於賊燹嗚呼痛矣猶幸興王舊府被兵最後國史

一本得免其灾乃於兵戈播越之中亟命浮海西
輸奉安於行在金櫃秘籍宛然無缺殆天所以將
啓中興默護陰相以壽一代不刊之典也歟鑒駕
還都之後首議補印廷論同辭聖急益懇而時詘
未遑者蓋累年矣遂掃斷諸冗決意開局館負元
額之外增置堂上十員編修以下則苟經萃顯不
限員數皆親自纂寫對相考校以其事殷故官多
官多故事易完役始於癸卯七月功訖於丙午四
月新印正本三件草本一件分藏於本館及寧邊
之香山江陵之五臺山安東之太白山舊本則藏

於江華蓋至此而無復遺憾矣

補仁祖朝令大提學李植洗補壬辰倭亂史官所

焚史草

詳見藝文考

李植上疏曰我東文物之備人才之萃莫盛於宣廟之世雖守義違亂既崇而地天心克享邦域再奠斯莫非聖人殷憂之所啓而事機之變締構之效無非可傳於后世者簡冊所載宜莫詳於此時也而不幸廢朝間之奸孽擅命竒自獻焉摠裁而李爾瞻朴槿等專任修撰陰削舊錄自加誣筆是非名實一切倒置凡爲爾瞻所右者五六人則歸

爲虛美擬諸聖賢此外名臣碩輔道學之士與其
素所睚眦牴牾之人則憤辭醜罵舉加以窮竒禱
杭之罪至其末年所書柳永慶鄭仁弘等事敢爾
滓穢日月之明掩蔽天地之大正與章蔡之誣宣
仁同一奸軌誠千古史家之一大變也及此野言
家錄未盡散亡委定文學博古之臣畧倣司馬光
百官表朱子名臣言行錄以爲一類依祖宗朝當
時述著並藏史庫之例一體付傳則庶幾一代典
刑尚有徵於來許矣補命議大臣皆以植言爲是
崔鳴吉又請依司馬光在家獨撰資治通鑑例專

付植在家撰集除員役廩料之費叅討則藝院僚屬可與同事至於書役則槐院玉堂中能書者分手寫完命如其言植遂上劄固辭春秋館啓請就一空宇與僚屬會議速完上可之

補二十年李植又上疏曰目今所可變通者春秋館職有蕪無實體統不重常時只以下番記事官一員寓直政院獨當苦役無復衙門貌樣一束紙一使今并無出處乃以域中大柄千古事葉視爲一介新來曹司之任盖史官體面之毀其來已久

補柳馨遠曰或曰今春秋館領事以下至同知

事許多負皆以宰相列卿兼領此是重史事之意而前世監修國史之制也如此顧不宜耶曰凡事惟在得人專任而已若別置監領提調之任皆後世弊法無益而有害者也且歷代國史史官掌修而已唐時始令宰相監修國史范淳夫論之曰古者官守其職史書善惡君相不與為此奸臣賊子所以懼也後世人君得以觀史而宰相監修欲其直筆不亦難乎人君任臣以職而宰相不與史事善惡庶乎可信也此可以見其得失也或又曰今制政府六曹堂下官

及臺閣諸院官各一二人皆得兼帶編修記事等官蓋欲遍知諸事者也今史官專主而罷兼員則不無所知不周之患耶曰編修者多自昔史事之大弊也劉知幾論唐史之弊曰古之國史皆出一家惟後漢東觀集羣儒補述無主條章不建今史司取士滋多人自爲荀彘每記一事載一言閣筆相視含毫不斷頭白可期汗青無日且漢時郡國詎書先上太史副上丞相後漢公卿所撰先集公府乃上蘭臺故史官載事爲廣今攸司不注起居百官不通行狀又史局

深籍禁門所以杜顏面防請謁今作者如林褒貶曾未絕口而朝野咸知孫盛取嫉權門王邵見謗貴族常人之情不能無畏凡此數者皆大失也知幾之言誠確論也

補又曰宋歐陽修論史獎曰國朝之史以宰相監修學士修撰又以兩府大臣撰時政記選三館之士當陞擢者乃命修起居注如此不爲不重矣然其所撰述粗畧苟簡至於事關大體者亦沒而不書其弊在於修撰官唯據諸司供報而不書所聞見故也時政記雖是兩府所纂然

聖君言動臣下奏議皆不能記錄唯書除目辭
見之類至於起居注亦然修撰官只據此銓次
係以日月謂之日曆而已是以朝廷之事史官
雖欲書而不得乞勅修時政記起居注之臣凡
君上宣諭臣下奏對之語並書之其撰述之官
不得依前只據諸司供報編次凡除目辭見並
須考驗事實皆脩書之噫爲史官者不可不知
此意而亦可見後世史官不專之弊

(補)顯宗三年司諫李敏迪啓曰史苑古風爲下
者雖遭服制亦不許出蓋所以重史事也然念服

有輕重私情有不可不相叅者假如遭其祖父諸父兄弟若妻喪者亦不得出哭而初喪未歛之前以公服朝衽趨走於近密之地求之天理人情實傷禮教請許成服後出仕命議大臣處之

補肅宗二年崔錫鼎論史薦疏曰凡史薦之規既定新薦則遍問於曾經先生謂之回薦若有一人以爲不可則並削其薦必待僉議歸一然後方爲焚香而至以薦非其人必受其殃以爲告天之辭此其事體何等重大而敢有一毫苟然之念以取欺天誤事之誅哉

六年領議政金壽恒奏鄭勛疏請改修先朝實錄
聞其所纂述草畧莫甚云先王嘉言善政難保其
無所闕漏兵判金錫胄初旣爲修史之任請先詢
曲折金錫胄曰閔點代臣爲文衡而點雖日詣史
局日晚而赴輒復徑還後以李堂揆李觀徵加差
堂上而惟以速完爲主六七朔成十六年完帙其
草草忙迫可想矣上命大臣春秋館堂卽考閱實
錄果如錫胄之言教曰先朝實錄纂述事體莫重
而其所記載錯亂踈畧如此則決不可以此垂示
於後改修可也

補三十七年判府事李頤命劄曰伏聞春秋館只有長陵以後實錄每當考史必徃外處臨事不無遲緩後時亡歎江華有水路若移安其實錄於史館仍命謄出一本藏于本館或北漢新城日後可以易考矣先令本館堂郎考出軍國法制亡沿革者分類作卷啓下備局恐爲得宜

江華摩尼山寧邊妙香山江陵五臺山安東太白山四處史庫各置叅奉一員自本道差出以守之
補茂州赤裳山城有史庫置叅奉一員自本道差出以守之

讀書堂

本朝世宗八年命選文臣年少有才行者賜以長暇
分番八直專意講讀世祖朝曰集賢殿之罷書堂亦
廢成宗朝復賜暇舊制葺龍山廢寺爲讀書堂燕山
革罷中宗十年復設書堂於故淨業院以間并間不
宜截修夏擇勝于東湖北麓豆毛創之又曰壬辰兵
亂而廢光海戊申原本作宜祖四
十一年今釐改曰大提學柳根言
復設仁祖癸亥以後曰兵荒掇官供吏屬書吏二
人庫直二名使令二名

世宗朝始設集賢殿聚文學之士培養數十年人

才輩出尚慮朝衙夕直不專意講讀選年少有才
行者數人許暇遊山讀書官給供具肆意於經史
百家天文地理醫藥卜筮淹貫該博無所不通將
爲大用之地前有辛石堅

改名碩祖

權采南秀文後有

申叔舟餘皆名士也作人之盛比之登瀛

嘗召集賢殿副校理權采等下教曰予聞爾等年
少自今除其仕各安於家專心讀書以著成效其
讀書規範受大提學卞季良指畫

此湖堂之始

補尹根壽文曰粵在英廟朝取科舉人妙揀詞
學之士特給恩暇使之諷誦墳典課其結撰而

專責其肆力於文藝以需異日之用命之曰讀書堂後來典文柄而執牛耳者固在於大提學而其次又有兩提學其郎僚有藝文應教皆從書堂而進士大夫得預其選者人皆艷稱之

補成宗七年知經筵徐居正奏曰賜暇文臣肄業於城內則交友來往歸家頻數心不能專一臣在世宗朝與申叔舟等讀書于山寺今亦使之讀書于山寺爲便上可之其後修龍山廢寺命曹偉作記並額讀書堂三字賜酒樂遣承旨落心上營箋加紅帕函舁而前之隨以女樂榮君賜也又於上

已仲秋重陽佳節則命遊仍賜酒樂時人謂之文章接又選文臣年少聰敏者蔡壽權健許琛曹偉楊熙止俞好仁等給暇讀書于藏義寺常時朝參皆不與爲嘗賜宮醞以水精杯宣勸而仍遺之館官鍍金爲臺名之曰清不涅虛能受德其物思勿負堂中寶愛厥盃每法醞至例訖宣盃一巡卽置匣藏之燕山時堂革移侍講院堂復復還中宗朝又賜仙桃盃明宗朝又賜琥珀盃沈守慶作謝箋曰與水精仙桃而並傳于成宗中廟而益顯鄭惟吉寫此句於堂中

曹偉讀書堂記曰恭惟本朝列聖相承文治日臻
世宗神思睿智卓越百王制作之妙動合神明以
爲典章文物非儒者莫可共定博選文章之士置
集賢殿朝夕講廟治道又以爲研窮義理之奧妙
博綜羣書之浩穰非專業莫克始遣集賢文臣權
拯等三人特賜長暇於山寺任便讀書季年又遣
申叔舟等六人便得優遊厭飫大肆其力文宗繼
緒篤志儒雅又遣洪應等六人給暇於是人才之
盛起於一時述作之美侔擬中國今上卽位首開
藝文館復古集賢之制日御經筵覃精文籍尊崇

儒術育養人才視舊有加歲丙申復用祖宗朝故事命蔡壽等六人賜暇今年春又命金勘等八人賜暇就歲義寺讀書饗人致餼酒人設醴時遣中使錫資便蕃

○補七年命選讀書堂勸獎事目○一各其所讀經

史卷數每於節季開寫以啓○一每朔三次製述

與藝文館員月課一時製述等第勸賞亦依藝文

館施行○一正至及大慶大賀外凡一會並爲勿

叅

○補二十三年大提學洪貴達請弘文館學士勿拘

年四十之限令製月課且選年少有才名者分番
賜暇輪次讀書從之

(補)許筠曰世宗朝始設書堂賜暇讀書而其時
多在山寺凶年則罷之或有無故不賜暇之時
至成廟時始令成倪等七人讀書于龍山寺自
此以後員缺則補而作堂於東湖作一衙門中
廟甚嚴考課之法若連次不入格則汰之其恩
賚則有過於前云

(補)中宗五年修龍山讀書堂選文士肄業先是世
宗以截義寺賜集賢諸臣令讀書其中成宗移建

於龍山名曰湖堂至昏朝廢之上特命復設大選
文學之士賜暇肄業頻遣中使宣醞命題賦詩於
是文風復振

補李符金安國二年已賜暇至是改被選再賜
暇

補韓忠被選湖堂嘗謂人曰國之設此堂將以
培養學士施於政教吾東方理學不傳久矣請
給暇數年則願與同僚之好學者日夜切磋以
講治道

補許筠曰成遜齋

成世昌號

與金慕齋

金安國號

同賜暇

湖堂而並直成公家素豪衾枕俱用紆絲絛筆
侈慕齋素寢約性又不喜奢布被木枕蕭然若
寒士成公愧甚終夜不安寢抵明還家語夫人
曰國卿金安國字若笑我之侈則吾宜如是抱愧乎
亟命易以樸素之物乃敢同宿云

補明宗十二年右議政尹漑奏曰賜暇湖堂所以培
養也月課命題外凡其江湖寓興之作朋友唱和
之篇皆令書啓而親覽為則觀性情之流出因可
以知其人又況民俗歌謠先王所以採訪者乎從
之

補十四年上御朝講知事洪暹奏曰弘文館賜暇
學士皆被抄於試射此豈賜暇讀書之意乎恐當
除其試射也領事李浚慶曰暹之言當矣他日可
爲儒將之人使之鍊習兵書則可也何必強令習
射乎上命讀書堂官員勿令試射

補宣祖三年文衡朴淳單選柳成龍乙酉文衡李
山海單選李好閔

補光海戊申以漢江別營爲讀書所

補時大提學柳根主選湖堂而曰吾家有真學
士而拘於格例而不得叅選爲可惜蓋謂其婿

金璽才望合選而以親嫌不得抄啓云

(補)是時被選人睦大欽後四年陞通政遶湖堂
仁祖癸亥以昏朝僞勲降資復賜暇

張維湖堂契屏序曰國朝用右文致治其簡選之
重禮遇之隆至湖堂而極矣非有臺省清譽館閣
雅望無以廁乎是選賜暇之後廩給優異太官之
珍小府之蔽天閑上乘玉珂雕鞍之錫翩翩相踵
也既月日有程課而或中使齋黃封奉御題不時
而至立責報章才非七步徃徃不免窘躓其榮則
至矣顧其責重而其任實難也

李植讀書堂記曰盛時賜暇讀書例選十二員分
二番直宿讀書大提學日課兩製考第以上之月
三宣醞則有別製有賞格官供朝夕堂員又需索
內外官司無敢闕應堂員皆三司官數遷及呈告
故常不備番數或三四員而止而例給一月飯米
十五石豆十五石內膳寺日供酒各一瓶鹽醬蔬
菜柴炭稱是乘駟出八柱二方舟以待宴遊掌樂
院供奴樂雖中書舍人司不敢先爭書吏使隸皆
受料布堂屬截獲八十餘戶環居堂側

(補)孝宗六年命大提學蔡裕後選湖堂以湖堂故

事問于裕後裕後哀集國朝以來應製序記及建置節目以進且言湖堂額廢賜暇無所上議于大臣命一月之內十日供職十日講製以爲程課

○補肅宗十五年閏黜以大提學主選湖堂而弘文提學柳命天以黜之姪昌道才望合選而以文衡親嫌不得與選之意草記後抄啓

○補十六年下教曰祖宗朝抄選文學之士特賜長暇日日課製其着實勸獎之意爲何如哉故於昨年湖堂應行節目磨鍊之日畧倣祖宗朝故事被抄人員所讀之書朔末書啓有時特召講論首尾

且五日一課製等第朔末八啓分等施賞事明白
定式啓下而一不舉行秋間因左相劄子更爲申
飭而亦不奉行使朝家勸獎之盛意未免廢閣不
行之歸事心未安莫此爲甚自今以後一依節目
着實舉行另加申飭

補舊例年過四十則不得與選而四十後被選者
凡二十八八〇五十九歲孫倜 五十四歲柳世
鳴 五十三歲許輯 五十一歲丁範祖 五十
歲李海朝 四十九歲李爾瞻 四十八歲柳希
叢任叔英 四十五歲柳瀟趙翼任守幹 四十

四歲羅世績趙綱李肇 四十三歲趙持謙 四
十二歲具鳳齡柳希亮鄭弘溟李敬輿 四十一
歲李滉韓智源李後白柳活朴弘道 四十歲高
用厚金箸國李植徐有臣

補舊例陞通政則遶湖堂而或以特恩仍帶者凡
十一人○明宗朝尹鉉鄭惟吉朴民獻 宣祖朝
洪履祥李德馨李廷立 仁祖朝李敏求李植李
明漢鄭百昌李景奭

補奕世湖堂鄭惟吉鄭昌衍鄭廣成李山海李
慶全李厚厚之第久並以祖子孫生並一世被

選○兄弟同時被選李厚李久柳希發柳希亮
從兄弟同時被選李殷相李端相

承文院

高麗置文書監進色掌事大交隣文書有別監後改
稱文書應奉司有使副使判官皆以他官兼

本朝國初仍麗制太宗九年改置知事僉知事檢討
官校理修撰官書記而各有權知十年改稱承文院
置判事知事僉知事各一員校理副校理正字副正
字各二員十五年增置博士著作各二員世宗十五
年改僉知事爲副知世祖十一年改置判校叅校校勘

各一員校理校檢博士著作正字副正字各二員吏

文習讀官二十員燕山革博士以下中廟初復置而

叅校勘校理並減校檢減一員後改判事為都提

調三員議政例兼知事為提調無定額副知為副提

調一員或二員並以他官兼權知副正字無定額文臣

登第者上博士主張令館又經揀擇後例付中宗十九年增設吏文學官

以白衣從事後改為漢吏學官實學官七員預差學

官三員宣祖朝減學官四員加設製述官三員肅宗

二十一年減學官三員製述官一員今存二員一文用藝館一蔭用

曾經學官寫字官四十員吏屬書吏一人書員六人使

令六名文書直一名房一名軍士二名

李淑瑊題名記院爲事大設也而欽降詔勅之是
藏其職掌有吏文寫字而又有書契爲文隣也

世宗十五年以院在北部陽德坊里混閭巷殊非
藏欽降詔勅輕重之意遂移八禁內別建閣于北
隅以藏之

李昉光曰槐院在景福宮光化門內有藏書閣
極高峻藏置天朝詔勅諸書備三員閑閑凡新
官被揀者題名于閣下仍行大宴謂之題名宴
自本院爲翰注者謂之西飛以槐院在東故也

補又曰國朝以事大爲重故堂下文官稱肄習
官悉屬槐院每朔二日副提調會坐勸課吏文
則有旬製白日場漢語則有別抄又有廷試殿
講以亡賞罰近世解弛提調會坐日或有稱病
不來者極爲寒心

補又曰承文院提調必極選當世文望之人以
授之雖以崔沔之文才壬辰亂後始除提調而
竟亦辭遯洪汝諤用事之時亦不得爲提調至
於副提調號爲公事提調例不過三四員而近
來副提調多至十餘員

補世傳崔昱授提調以地處卑微上疏辭職荅曰卿文章振一世門地何足論勿辭

補舊例承旨不得兼承文提調而宣廟己亥回大臣所啓申欽以同副承旨兼承文副提調是後屢拜承旨輒兼帶槐院副提調始此

李睟光曰槐院提調必揀選有文望之人在前爲承旨則減下近規有以承旨兼

補金安國每以吏文漢語人不樂習爲憂常欲依羅麗厯代遣子弟入學故事遣子弟入學曰此事得請吾死瞑目矣以承文提調建白立漢吏科

補舊例槐院之選新正字也以及第人名錄置房
內諸僚以次八視就可者名下密加一圈既畢計
圈取多或言此類銛筭非所以待清選當於衆座
公議受圈也任叔英獨曰此例若行懦者或畏仇
讎其取舍必不公衆乃服

補金字顯始仕槐院先進欲例試俗戲字顯以爲
非士子持身之道不從而歸作南風詞以見志柳
成龍貽書美之曰我輩視君正如黃鵠之於壤虫
補舊例槐院新進必具弊袍破帽名之曰鬼服
夜詣先進家謁見是謂回刺然後方通仕路流

例成俗朴泰漢獨奮然不爲回刺至如同摘崔
副學昌大歎賞不已曰觀喬伯朴泰漢字所爲茫然
若自共獨南領相九萬聞而憂之曰此雖是謬
俗其來已久僂成敬先進之古風而近聞朴喬
伯一切以慢忽居傲自以爲高致此習漸不可
長云

(補)肅宗三十二年冬至節使行所付表咨黑草查
對曰大臣引入不得開坐命提調備三員會于槐
院查對後使院官就示大臣曰以爲例

英宗四十六年各設一閣於兩閣承文院內奉安

國朝以來頒降詔勅御書閣號以揭在慶熙宮曰
敬奉閣在昌慶宮曰欽奉閣

御識昨聞敬奉欽奉閣同錄於備考今日取來令
讀曰此予又有興懷者本院初在址部陽德坊世
宗朝十五年八置闕中噫今予兩闕設閣尊奉其
亦緬述之道象緯考進獻時儀文草略今番畢印
後當備儀文親受於崇政月臺此亦重文獻之意
也夫

補崔益承文院契會圖識曰我國重事大敦交隣
而凡文書之行典故之稽院實主之故必萃儒生

之新進資敏者而長亦必用宿望為蓋院號為入
才府庫視諸館為盛

補許筠曰曹仲自詔使董越堅宮臯俱為典禮
之任最能舉職是時不設漢吏學官故仲每以
醫負往迺自鄭蕃門賤削科朝廷為設學官以處
蕃詔使之來令司筆札繙為者魚叔權鄭和朴
板萃權應仁李再榮云

國初無寫字官而文臣中善書者為之後以文臣
善書者鮮少故自宣祖朝無論士庶善書者付軍
職冠帶常仕李海龍韓護即其始也

補李海龍眼力異常戊戌卞誣使行時中朝人
搦功東使甚急晝以糾察夜不給燈火使臣等
將採取物議撰寫奏文而憂懣不知所措有一
寫官夜白副使李廷龜曰公若呼之則當試寫
之荅曰恭夜無燈若何以寫之其人曰第呼之
依其言呼之則信手寫無疑寫畢廷龜曰君之
眼力誠奇矣奈我不得見何其人免首着眼於
紙上明光所照字畫瞭然其人乃李海龍也時
謂應時而出也海龍官至司膳主簿子孫至今
七八代並以笔名相繼其業無一世間斷云

補李植最玩跋曰宣廟朝命李海龍韓護李福長李景良等四五人以寫進易經重被激賞其書絕妙令殉之室皇噫書之爲藝至此足矣又何必曰王曰趙古今雅俗之強解哉

補韓護以善書受知於宣廟寵渥隆重屢除官以獎之命給酒饌筆札甚優衣樹鞍馬錫賚不絕特除加平郡守及卒嗟悼貽賻甚厚賞從遠接使鄭惟吉僨韓詔使世能于義州韓甚賞之滕李達從來得其手跡示王弇州世貞弇州以爲可比有趙松壺屠長卿以爲怒倪挾石

成均館

新羅置國學後改爲大學監

高句麗立大學教子弟又置國子博士

高麗成宗置國子監掌孺學教誨之任有國子司業
博士助教大學博士助教四門博士助教文宗定提
舉同提舉管勾各二人判事一人皆兼官祭酒一人
司業一人承國子博士二人大學博士二人注簿一
人四門博士一人學正二人學錄二人學諭四人直
學二人書學博士二人筮學博士二人睿宗改判事
爲大司成忠烈王改國學仍改祭酒爲典酒司業爲

司藝後改成均監陞大司成復改典酒爲祭酒司藝
爲司業國子博士爲成均博士加置明經博士明經
學諭尋改監爲館刑定員吏置祭酒一人樂正一人
承一人成均博士二人諄諭博士二人進德博士二
人學正二人學錄二人直學二人學諭四人後復置
大司成樂正改司藝承改直講恭愍王復稱國子監
大司成祭酒司業直講國子博士大學博士四門博
士明經博士律學博士學正學錄直學 諭書學博
士明經學諭筮學博士律學助教復稱成均館改司
業爲司藝國子博士爲成均博士四門博士爲諄諭

博士改祭酒爲司成 吏屬書吏二人記官二人
本朝太祖元年因麗制置成均館掌儒生教誨已任
並用文官其屬正錄廳附馬有大司成一員祭酒一
員樂正二員直講一員典簿一員博士二員諄諭博
士二員進德博士二員學正二員學錄二員直學二
員學諭四員七年以鄭道傳權近爲提調集四品以
下及儒士講習經史後改定知事一員大提學例無
同知事二員以他官兼大司成一員祭酒二員司藝
三員直講四員典籍十三員博士三員學正三員學
錄三員學諭三員兼博士一員以議政府司錄兼後

廢蕪學正蕪學錄蕪學諭以奉常寺直長以下及四
學訓導蕪太宗元年改祭酒爲司成燕山革博士以
下官分屬他司中宗卽位初復舊仁祖朝別設司業
以授金長生使訓迪多士孝宗九年別設祭酒二員
不拘資級以宋時烈宋浚吉蕪帶後減司成司藝各
一員 吏屬書吏二十一人庫直一名使令四十名
軍士七名

補辛碩祖鍾鐔記曰成均館卽古之太學也與藝
文校書爲三館實斯文表則之地

補韵玉曰國子監有正錄廳舊制每年四季月試

衣冠子弟于國子監正錄報吏曹授職

補國朝國子長以文衡兼帶者以崇品擇差者以他職仍帶者自堂下超陞者並爲列錄如左

補世宗壬寅卞季良庚戌尹准乙卯權躋丙寅鄭隣趾世祖丙子申叔舟庚辰崔恒丁亥徐居正以上並以文衡兼

補太祖癸酉權近以正憲兼世祖丙子鄭昌孫以府院君兼成宗丙申李石亨以判中樞兼仁祖癸亥鄭曄以資憲兼乙亥金尚憲以前判書兼顯宗戊申閔鼎重以戶曹判書兼

肅宗乙丑李端夏以崇政兼以上並以崇品
兼

補太宗朝卓慎以他職兼 仁祖癸亥鄭曄以

大司諫兼己巳趙翼以副提學兼癸酉鄭弘演

以他職兼己卯李敬輿以副提學兼 孝宗己

丑申敏一以他職兼癸巳金益熙以大司諫兼

顯宗庚子趙復陽以副提學兼壬寅俞榮以

藝文提學兼癸卯閔鼎重以吏曹叅議兼甲辰

戊甲並以吏曹叅判兼其後朴長遠以大司諫

兼李慶徽以吏曹叅判兼甲寅李端夏以副提

學兼肅宗乙卯洪字遠以他職兼戊午李元
禎以他職兼壬戌趙持謙以副提學兼景宗
甲辰李真儒以吏曹叅判兼英宗辛巳金陽
澤以吏曹叅判兼以上並以他官兼

補中宗己卯申光漢以典翰特拜明宗壬子
李滉以應教特拜宣朝戊辰柳希春癸未金
宇顥辛卯金誠一壬辰禹性傳並以堂下陞拜
以上以堂下超拜

補中宗朝李符自副提學移拜大司成以教胄任
重也

補仁祖朝大司成鄭暉李明漢勿令移職爲其久
於其任而專精教士也

補八年趙翼以兵叅兼大司成辭職疏曰大司成
自是實職一人兼兩實職古無此規實非先王設
官分職之意唯近世鄭暉嘗兼之然鄭暉之老成
宿望爲多士所嚴敬豈後輩無學識無人望者所
敢擬乎

補顯宗己亥命成均祭酒勿拘品秩時吏曹判書
宋時烈兼帶祭酒與否曰該曹啓問議大臣大臣
等以爲議政仍兼大提學正二品仍兼大司成況

此祭酒非常有之職待其人而始設品秩似不當拘也如其言

(補)肅宗十一年李端夏以行禮判兼大司成其辭疏曰臣曾經知館事而復爲大司成國制之所未
有也

(補)成宗朝安潤德自槐院移差學諭中宗朝金安國不許親嫌除拜司成

並詳見
學校考

東國文獻備考卷之二百二十

東國文獻備考卷之二百二十一

校正

職官考 十

諸司 一

宣惠廳

本朝國初初置常平廳專管五站勑需有節廳一員以蔭官差光海戊申領議政李元翼請行大同之法上命先施京畿遂置京畿廳併於常平廳改稱宣惠廳掌出納大同米布錢定都提調三員時任議政兼提調三員其一戶曹判書例兼增設節廳一員以文

臣差仁祖二年又曰李元翼建白置江原廳屬於戶

曹孝宗三年置湖西廳與江原廳併屬於宣惠廳九

年設郎廳一員兼察兩廳以蔭官差曰寧敦領金堦

劄請置湖南廳設郎廳一員以蔭官差顯宗二年

市羅

考作仁祖四年

置賑恤廳屬於備邊司以備邊司堂上郎廳

各一員兼差六年以湖南郎廳兼察江原廳肅宗三

年置嶺南廳設郎廳一員以蔭官差十二年領議政

金壽恒奏以賑恤廳仍循不罷財穀漸多不宜蓄聚

於廟堂遂移屬於宣惠廳以常平廳郎廳兼察三十

三年減京畿郎廳以湖西郎廳兼察三十四年置海

西廳以湖西卽廳兼察景宗三年京畿卽廳改以嶺
南卽廳兼察英宗二十九年併均役廳於宣惠廳增
設卽廳一員以陰臣差吏屬書吏二十六人書寫
一入庫直二十三名便令二十六名文書直八名軍
士二十八名

均役廳

本朝英宗二十七年特減軍民納布之半以魚鹽船
稅隱結結錢充其減死之數初置均役廳有都提調
三員時任議政例兼提調三員其一戶曹判書例兼
卽廳三員以武臣差其一以備邊司卽廳兼差二十

九年併于宣惠廳以宣惠廳都提調提調兼管置郎
廳一員以陰臣差與常賑兩廳兼察三廳 吏屬書
吏二八庫直一名使令四名文書直一名軍士四名

濬川司

本朝英宗三十六年創置濬川司掌疏濬開川禁護
四山之事定都提調三員時任議政例兼提調六員
其一以備邊司提調兼差其五兵曹判書漢城判尹
三軍門大將例兼都廳一員以御營千總例兼郎廳
三員三道叅軍例兼 吏屬書吏五人
兵曹漢城府三軍門各一
人移庫直一名
三軍門輪
使令四名
兵曹三軍門各一名移差
水

標直一名

本司庫
直薰

世宗二十六年李賢老以風水之說請於都內川渠禁投穢物以清明堂之水集賢殿校理魚孝瞻上疏曰都邑之地人煙繁盛既庶既繁則臭穢斯積必有通溝廣川經緯乎其間以流其惡然後可以肅清都下其水無可清之理矣今欲使都邑之水一如山間之清淨則勢不能行矣上遂不用賢老言

濬川事實曰英廟肇開川渠疏濬衆流錯綜經緯於里閭街衢之間而注諸水門歲月愈久疏

濬寢廢山濯鳧顧而不曾防護沙戾橋堙而亦
不修治國都大川便成平陸生民受害逐歲而
滋甚惟我聖上親策儒生俯詢民庶議有甲乙
而輒斷廊定遂命諸臣設所董濬再次臨城勞
問役夫京外民庶樂趨爭赴首尾凡五十七日
得役夫坊民十五萬產丁五萬餘費錢三萬五
千餘緡米二千三百餘包而功始告訖然積費
衆力之餘若無潤本備後之舉則不特前功之
可惜亦將其害之依舊故特命仍置濬川司并
與四山禁護而句管焉

忠翊府

本朝初置忠翊府原從功臣之府有都事二員後革
罷併於忠勲府光海時復設以忠勲府堂上二員稱
以有司都事一員文武蔭臣中叅錄原從者爲之使
之專管尋又罷移屬兵曹仁祖朝復併於忠勲府肅
宗二年復屬兵曹六年又併於忠勲府十五年復屬
兵曹二十七年復併於忠勲府

(補)李晬光類說曰原從之原本元字而當元全
盛之時我國畏之不敢直呼改以原字云

(補)柳馨遠曰國典原從功臣別立忠翊府其子

孫勿限世爲忠贊衛則其事體甚重是必恐其
濫錄正勲於功臣中別其差等之意然錄功既
分三等以第之亦不當立此原從之名也蓋自
中廟靖國時朴元宗輩專委柳子光勘勲奸人
欲錄其子弟故先爲悅人之計不論有功無功
一時卿宰無不收錄又錄其子弟奴隸皆八原
從錄功之濫蓋始於此

司饗院

高麗穆宗置尚食局掌供膳羞有奉御直長食醫文
宗定奉御一人直長二人食醫二人忠烈王改司膳

署以御厨別厨迎送併焉置提點一人兼官令三人
其一兼官承三人其一兼官直長三人副直長三人
後罷提點承副直長復置食醫恭愍王復改尚食局
改令爲奉御直長食醫如故尋改司膳署復稱令
吏屬書令史四人記官二人筆士一人雜路八人
本朝太祖元年曰麗制置司膳署掌御膳闕內供饋
等事有令一員承二員直長二員食醫二員後改置
司饗院掌供御膳闕內供饋等事有都提調一員議
政兼提調四員一文臣三宗親副提調五員一都承
旨例兼四宗親正一員提舉二員提檢二員僉正一

員判官一員主簿一員直長二員奉事叅奉各三員

後減正只於嘉禮時權差減提舉提檢只於客使宴

享時權差又減僉正判官增置主簿肅宗元年減叅

奉三員增置奉事一員九年減主簿一員復置僉正

一員後又增置主簿一員 雜職宰夫一員膳夫一

員調夫一員飪夫二員烹夫七員 水利飯監多人飯
監庫城上各色掌

等遠 吏屬書吏十五人庫直二名使令十二名

○補 每歲遣司饗院官於廣州分左右邊從春至秋

監造瓷器輸納于御府錄其功勞而等第之優者

賜物世宗朝御筵專用白磁至世祖朝雜用朱磁

求回回青於中國畫樽罍杯觴與中國無異然回
青罕貴求中國亦未多得朝廷議曰中國雖窮村
茅店咸用畫器豈皆回青所畫應有他物可畫者
訪於中國則皆曰此土青也然所謂土青者亦未
求得由是我國畫磁甚少

補成宗元年以都承旨李克增爲司饗院副提調

承旨之兼帶司
饗提調始此

補孝宗四年領中樞李敬輿劄曰極擇司饗院官
員專責勾管而嚴飭中官事絕掖庭阻撓之弊則
雖不及官府一體法周官酒漿膳服皆屬冢宰之

制亦可救一時之弊矣

英宗四十六年御識曰歲庚寅初秋四日臨厨院召
都提舉以下賜饌越三日辛亥崇政月臺受謝箋
六十年前六月十二日卽予厨院都提舉恩點日
也今當回甲翌年追慕萬億豈可无識乎哉

尚衣院

高麗穆宗置尚衣局掌供御衣有奉御直長文宗定
奉御一人直長一人忠宣王改掌服署改奉御爲今
直長如故恭愍王復改尚衣局又稱奉御尋復改掌
服署又稱令恭讓王時併於工曹 吏屬書令史四

八記官二人注衣一人

穆宗又置中尚署掌御用器玩有令文宗寔令一人承二人忠宣王改供造署恭愍王復改中尚署以令爲奉御尋復改供造署吏屬史六人記官二人筭士一人

本朝太祖元年曰麗制置供造署有令一人承二員後改置尚衣院掌供御衣褂及內府財貨金寶等物有提調二員副提調一員都承旨例兼正一員僉正一員別坐二員判官一員別提二員主簿一員直長二員燕山增置判官主簿直長各一員別提三員中

宗卽位初並復舊後又減正只於東宮冠禮時權差
又減判官主簿別提各一員別坐二員英宗十七年
減直長一員復置主簿雜職工製四員工造二員
工作三員諸色匠吏屬書吏二十人庫直二名使令
十一名軍士二名

(補)尹根壽契序曰尚衣院卽古之尚方而以其
人主之內府故特設於闕中提調二員皆宰臣兼
焉卽寮則正以下如千員主簿及叅下則職掌有
四而匠役分屬焉帑藏惟提調得以出納而凡有
諸匠技藝之應造者則提調輒以其具授之卽寮

各程督其分屬之匠而課其功役此其故事云
金萬基記曰尚方爲職於人君親密儼之古昔則
其掌金玉咒玩文織貝貨賄有似乎成周之內府
王府而周書立政所稱綴衣爲屯近之是以國家
重其職焉

尚瑞院

高麗忠肅王置知印房或稱政房或稱劄子房辛昌
改爲尚瑞司判事四人兩府兼之尹一人代言兼之
少尹一人承注簿直長錄事各二人皆他官兼之
毅宗置符寶郎掌王府印信忠烈王定印府郎二人

尋罷之忠烈王改承旨房爲知印司

詳見承政院

本朝太祖元年曰麗制置尚瑞司掌璽寶符牌節鉞
有判事四員府尹一員少尹一員丞一員主簿二員
直長二員錄事二員後改司爲院有正一員都承旨
例兼判官一員直長一員副直長二員後置主簿一
員肅宗九年減主簿置僉正一員後又減僉正判官
副直長各一員 吏屬書員二人使令一名軍士二
名

宋徵殷題名記曰周禮有掌節漢時有尚符璽郎
我國之尚瑞院是已知申事兼正職直長二人輪

直有寶六顯藏之大內用之於事大文隣教諭宣
賜除拜科舉而官員無不親莅之凡有行幸輒載
太僕馬隨行又掌節鉞馬牌巡牌考簿書謹出納
蓋雖官庠而任則重固不可慢且忽也院有皇明
符驗六部織錦橫軸繡以馬形蓋我國使份朝天
時所賚也

內醫院

高麗穆宗置尚藥局掌和御藥有奉御侍醫直長醫
佐文宗定奉御一人侍醫二人直長二人醫佐二人
醫鍼史二人藥童二人忠宣王改掌醫署後改奉醫

署置令直長醫佐恭愍王改尚醫局改令爲奉御復

改奉醫署改奉御

原本作奉醫今釐改

爲令恭讓王併於典醫

寺吏屬書令史二人算士二人

本朝太祖元年曰麗制置典醫監後分置內醫院掌

和劑御藥有都提調一員議政兼提調一員副提調

一員承旨例兼其屬堂上官無定額正一員僉正一

員判官一員主簿一員直長三員奉事二員副奉事

二員叅奉一員仁祖二十三年減直長二員孝宗二

年增置鍼醫顯宗十四年增置議藥同叅並無定額

英宗六年定鍼醫議藥同叅各十二員吏屬書員

二十八種藥書員二人

即古之首奴而改稱者

擣藥使令薏苡

使令各二名軍士八名水工四名差備待令醫女十

名內醫女十二名

以惠民署醫女選八

○補成宗朝唐陽尉洪常拜內局提調儀賓之所未

嘗有蓋異數也

中宗朝朴英為同副承旨都承旨權撥癸曰內醫
提調大典只言承旨兼之都承旨兼非古也朴英
精通醫術請使兼之上從之英亦固辭不屈

堂上醫官稱御醫堂下醫官稱內醫而堂下中術
業精通者特差御醫以東班遷轉遞付者稱兼官

議藥同叅鍼醫無論堂上堂下並稱御醫

補仁廟不豫舍人丁熿危厲迫切請入藥房察視湯劑有以例不可者熿曰許世子不嘗藥聖人書弑君遭喪事而不知權者必蒙篡弑之誅況在今日但委之醫官可乎

補宣祖十年仁聖王后不豫內局提調鄭宗榮在侍藥廳時方盛夏藥爐回擁人不堪其苦宗榮不脫冠帶終日未嘗有懈惰之容

補三十三年懿仁王妃寢疾藥房以醫女愛鍾稍解文字術業優於其流請令入診上曰聞愛鍾是

娼女雖有軒岐之術不可出八於內庭也不許

補上以中朝方書皆是抄集庸瑣命太醫陽平君

許浚撰東醫寶鑑

詳見藝文考

補仁祖九年教于政院曰鳳林大君以痰症年年加重醫官申得一盡心用藥使重病快愈予甚嘉悅欲爲加資未知如何政院以得一以侍藥勞終受重加未久而復蒙恩典以涉稠墨傳曰然則實職除授

補鄭載崙曰仁祖朝李馨益朴願以醫術最承眷愛而願官不過主簿馨益僅至正三品

補顯宗朝李敏迪劄曰伏聞醫官之供奉差備者
出八非常內間所御之藥不令藥房諸臣叅議而
惟令首醫知之云此實非大聖人慎重之道雖有
教渠亦何敢私自斷定以啓日後無窮之慮乎
殿下必以一時之微恙不必煩諸外庭取便於目
前而不之深思也然人君每於此等事不甚留意
及至邪逞一開未易遽絕自取危亂者今古何限
補又曰內局藥物大內進御之外啓下取入者其數
不貲間或有一藥而費百金者承旨之往來開庫
日不下數三雖未知所賜予者何人所仰請者

何人而竊伏聞故老之言嘗有一大君遘疾請得
內府之藥仁祖大王不許賜予曰此則君上所御
非爾等所得用大聖人正倫理篤恩義嚴防限
制節度之義豈非今日所可法者哉

補肅宗二年明聖大妃患疔腫甚重將用鍼刺而
自己亥申可貴誅戎內局醫人無執鍼者時方外
醫人白光炫以鍼術付軍職八軫得施鍼破卽獲
翌瘳之慶超資賞賚大蒙恩典遂爲世名醫

補九年上患痘疹症候甚重太醫諸人技窮不敢
命劑以方外醫人柳瑋付軍職八軫又以原任大

臣清城府院君金錫胄素解醫理別八直瑞請用
保元湯蓋痘症例劑而諸醫皆以用荃劑爲難持
之不能決都提調閔鼎重泣謂錫胄曰何無一言
剖判錫胄曰痘候不輕不敢容易投藥必專治博
觀而後可以議藥鼎重厲聲顧首醫崔後泰曰可
斬也汝輩官高祿厚不曾命一藥而以其出於柳
瑞故難之國家存亡在此一着天若祚宋必無萬
一之慮今日用藥我也非瑞也命取剡刀手割藥
煎進諸醫相顧失色不敢言進御而果獲奇效節
次順成遂獲痊安瑞遂超二資拜官賞賚優渥遂以

名醫鳴世璫常曰當日之收效閔相公之功也吾何力之有

補三十七年面賜御帽一部于福醫柳璫仍命勿謝仍下教曰柳璫之功不可忘也今年九月以後連有惟疾之憂終皆頓吉內殿患候快臻平復心之欣喜曷有其筵遂召至璫于御前賜以手筆御書中福醫之福字乃獎詡之意勿謝之教亦出異數也

補英宗朝以太醫皆鎖直禁中外人不得遽見命作太醫外院于昌德宮闕門外令太醫內局入直

分番畫會于外院以爲酬應外人省病論藥之所
未幾還罷

補國朝醫司有三曰內醫院曰典醫監曰惠民署
內醫院補內局典醫監惠民署則稱外司總謂之
三醫司

掌樂院

新羅置音聲署後改大樂監

高麗穆宗置大樂署掌教閤聲律文宗定今一人丞

二人忠宣王

原本作忠烈王今釐改

改爲典樂署改置今二人

長二人丞二人史二人直長二人後罷長陞直長從

七品加置副直長恭愍王改大樂署復改興樂署復置長罷副直長恭讓王別置雅樂署習宗廟樂歌吏屬史六人記官二人

補忠宣王戊申置紫雲坊有提點一人使一人副使二人判官二人以興樂署屬尋罷

本朝太祖元年置興樂署雅樂署世宗朝以雅樂屬太常寺設慣習都監教閱鄉唐亡樂世祖三年始置掌樂署合三樂雅樂鄉樂唐樂于一司掌教閱雅俗樂有掌

樂一員別提一員後改置提調二員正僉正主簿直長各一員英宗元年減直長增主簿一員樂屬左

坊樂師三人石坊樂師八人左坊樂生一百九十五
名石坊樂工四百四十一名典樂十六人典律四人
典音六人典聲三十三人管絃盲人十五名吏屬書
吏十九人書員六人庫直一名使令十二名軍士一
名

補成宗五年以吏曹正郎蔡壽曉解音律兼掌樂
僉正後遷他職而仍帶不遑

補燕山十一年改稱縣芳院加設正副正僉正判
官主簿各二人直長一人中宗初還葦增置員復
弼掌樂院

○補又有舍芳院赴香院其號非一興清絃手列
屈已並反正後革罷

○補英宗二十九年命掌樂院無得補梨園

司譯院

方裔恭封置史臺掌習諸譯

高麗忠烈王始置通文館令禁內學官叅外年未四十者習漢語恭讓王改漢文都監有教授官

○補時舌人率微賤庸劣語多不以實或懷奸濟私
叅文學事金壇建議置通文館令禁內學官叅外
年少文臣習漢語

補是時事大之後狄韃者多見任用以至拜相
洪子藩常曰使人心易直雖重九譯可以相諭
如其不然口言面質適足以自窮耳嘗有使者
至合坐所高興君柳清臣與之一言子藩喟古
人責之曰汝安在而使宰相自言耶清臣慚赧
流汗

補選子弟通敏者習蒙古語趙仁規與是選以
未能出膺輩開戶三年晝夜不懈遂知名後王
上書中書省曰仁規通曉蒙漢語凡朝廷詔旨
上司文字明白傳譯未有違誤功勞不少

本朝國初置司譯院掌譯諸方言語事大文隣都提

調一員議政無提調二員教授二員以文臣兼其屬

有四學訓上堂上十二員

六員漢學曾經教誨二員清學一員蒙學三員倭學

正一員副正一員僉正一員判官二員主簿一員直

長二員奉事三員副奉事二員叅奉二員教授二員

以教誨差仕滿後應遷東班正職

訓導十員後減副正判官直長奉

事各一員四學檢額常仕堂上無定員前御官二百

五十員權船無定員教誨前衙二十三員漢學官五

十員生徒二百四人吏屬書員四人使令八名

(補) 韵玉曰我顯廟既作洪武正韵以正華音又

直解童子習譯訓評話乃學華語之門戶

補世祖元年選年少文臣及衣冠弟子肄習漢語
從禮曹之啓也

補司譯都提調李遷上疏曰我國家設承文司譯
院講肄習讀官常習漢音其爲慮至深切矣但所
習者不過直解小學老乞大朴通事前後漢書然
直解小學逐節解說既非常用漢語也老乞大朴
通事多帶蒙古之言非純漢語又有商賈庸談學
者病心國初漢音者非但習之句讀文字之間如
漢人唐誠傑長壽洪楫曹正等輩相繼出來質問

論難頻有成才者今則無人可質語音訛偽臣竊
恨之迺採勸善陰隲諸書中可爲勸戒者數十條
與平昔所聞古事數十總六十五條俱以譯語翻
說欲令學漢語者並加時習謹繕寫奉進仰塵睿
覽倘有可採令下典校署刊印施行

補申叔舟曰天下書同文而因各其方五聲之
用遂不同然推其源不過五聲七音縱橫經緯
而已故散之則萬變無窮約之則三聲相爲管
絃而其變有數今之學華音者皆事其末不究
其源乃至七音相陵五聲相混曾不知所以辨

之猶執以爲是而莫之察老於譯者皆若是後
學靡然趨之可歎也已○叔舟通旁國音韻手
翻諸譯學譯者不賴師受易以通曉

○補魚叔權曰成宗朝崔世珍精於華語兼通吏
文特差質正官言者啓以雜職而補質正官古
無其例上曰苟得其人何例之拘自予作古可
也

○補鄭礪妙解諸國語嘗入中國琉球人來請學
易卽以琉球語教之諸國人在館者聞風來見
各以其國語應之莫不驚駭稱以天人

補宣祖朝選臣柳希春奏曰文臣能漢語堪爲御
前通事者至少國家必預爲培養在世宗朝聞中
朝名士適遼東至遣申叔舟成三問等往學漢語
吏文在中廟朝崔世珍尹沆等以善漢語特蒙嘉
獎今只有金啓一人又差東萊府使實爲嗟惜臣
嘗問金啓曰君若衰老誰可代君爲通事者答曰
注書李準可以當之天使之語通事來傳未畢準
已解於其初如此之人若差書狀質正官累次赴
京則自然慣熟矣

補國制重待王人別選年少文官習漢語選人例

慢不學李元翼獨不避嘲笑專心學習遇閱試必
居最

補鄭載崙曰李相國元翼釋褐隸習漢語專意
講習後值壬辰倭亂車駕西巡天兵來征使命
旁午事機糾紛而譯胥所解不過水火寒暄而
已彼此旨意百不通一李公時爲關西伯接應
酬酢毫無碍滯天將大喜曰莫是漢人耶其於
恢攘之際大有所賴始公以書狀官赴京有舌
人於使臣與禮部官相接之時變幻辭說有所
要求意謂使臣未解華語也公默若不知者還

到山海關逢華儒探討經史問荅如流舌人伏地叩頭曰死不足償罪願乞縲命公亦默然不荅及登台司兼帶司譯院都提調凡諸譯院公事皆以漢語稟定由是人皆自力大爲國家之用云

上接見天使時令通事傳語曰諒我國裏申明奏皇上是所望於大人天使曰敢不贊襄通事未及解時李德馨侍坐卽以贊襄啓達上竒之自是凡天使之來必有文臣通事

補朴東亮學習華語從上接待天將日或十餘

遭每當酬酢必咨於公公嫻於辭令敏於周旋
天將無不目屬之

李元翼李景奭俱解漢語爲提調院官之來必以
漢語酬酢金德承位望在中下而每兼漢學教授
以其能漢語也

補譯官洪純彥豪俠好義少時赴京欲覩一世
國色袖數百兩銀子往花房尋問第一名妓有
一女容姿果絕世而衣素服面帶羞澁亡狀純
彥恠以問之對曰身是士族婦女而客中連失
怙恃且喪一兄三喪方在淺土而歸葬無策不

獲已欲從養漢的賣身以謀營窻矣純彥又問
曾經人否對曰今日始初來而未曾污身耳純
彥惻然即以袖中銀舉而與之曰用此則足以
返襯潔身歸葬好嫁士族我若有私於汝而付
此則非義士也不顧而去其女人銘恩刻骨問
知其姓名仍賣其銀返葬後嫁爲石尚書星夫
人欲報其恩每歲躬蚕手織爲緞緞首繡刺報
恩緞三字如是積年每朝鮮使至必探洪純彥
行止及純彥從宗系辨誣使赴京石星時爲禮
部侍郎乃其職掌快許竣事一日侍郎邀純彥

至第盛供具以饋有一盛粧夫人拜稽庭下因
升堂進爵純彥惶駭欲走避侍郎挽住令受爵
因細道其一通純彥辭退將渡江有人擎進侍
郎夫人手札及禮單報恩緞數十疋及其他珍
玩不可勝數或恐其不受置之江干而去純彥
不得已持歸返國以竣事功錄光國勲封唐城
君官知中樞後入召其所居巷爲報恩緞洞後
壬辰倭亂時石星方爲本兵前後奏請兵械糧
餉力主曲施以成再造之績人或意夫人內助
之力

補李廷龜以解漢語常行御前通事之任甲午天
將梁按察粹至闕下上倉黃出接未及召譯官故
院請急令李廷龜八侍廷龜時以弼善在直上謂
廷龜曰爾能辨此否對曰事急不敢辭徃復傳語
甚纖悉按察喜曰春坊學士能解華語若是耶上
教承旨曰予不料李廷龜多才至於如此也

補仁祖朝張維以善華語常爲御前通事

補柳馨遠曰周象胥乃譯語之官而每狄上士
一人中士二人下士八人漢大鴻臚屬官有行
人譯官今中朝亦鴻臚寺設通事官文皇帝又

創設西天韃靼等八館初以舉人爲之其就禮
部試則以蕃書譯其所作經義稍通者得縣名
于進士榜授以文學之職而譯書如故其後以
擇俊民俾專其業藝成會六部大臣試之通者
冠帶又三年授以官今按以舉人爲之而授文
學之職者猶我國文官兼習漢語之意而擇俊
民專其業藝成今冠帶者乃我國譯官之規也
補顯宗六年司譯院啓曰丁丑之初本院清學無
通話之人自備邊司抄得被擄贖還中曉解清語
者屬心奉司謂之清譯付錄差仕其後本院清學

之習熟清語者利其燕行輪次之頻數亦頻投入
近來被抄者多老死餘存只四人而其三卽清學
中投入者也備局之別設古官至今譯官投入事
體不當本院方與備局相議盡以餘存者還屬清
學矣其差仕與付祿避兒則許令仍存以爲勸獎
學習之地何如從之

閔鼎重廣選四學年少有才者名以偶語廳以漢
人文可尚鄭先甲白于朝稟食爲漢語訓長又出
各學訓長日會公廨禁鄉話勤講習時復親試

補肅宗二十三年司譯院啓曰故左議政閔鼎重

爲都提調時設立偶語廳抄選各學中新進有將
來者定訓長逐日教習如有赴京等第遶兒中作
闕則以偶語優等者陞補故新進之人無不學習
偶語而陞補等第者亦無非勸學成才之人實有
其效矣丁卯年間以漢學偶語廳中十人別爲等
第遶兒十人外不得參於等第者又三四十人故
十人則補以等第偶語三四十人則補以舊偶語
分二廳使之赴京輪回其後又抄出新進二十餘
人稱以新偶語廳與清學偶語十五人分二廳取
義州灣上軍官一遶兒補以別灣上輪回赴京而

漢學人多清學人少故漢偶語二次赴京則清偶語一次赴京矣大槩當初設立偶語本欲便名屬譯官者盡習偶語而陞補於五等茅者亦必欲使偶語優等者得忝厥後遵此定式無所變易則宜必有興起學習之人而一自丁卯年偶語自作等茅之後當初得抄人雖中廢其業亦得赴京其餘未得抄人者雖日日學習通達所業抄額中無闕則更無陞補之望殊非當初一同勸習之本意且同曰偶語而既有等茅偶語又有等茅外舊偶語又有新偶語或厭其額多有闕勿補或新進無屬

處人呈狀呼訴則不得已許入其爲難亂極矣且
偶語既自成數三廳故本學五等第抄選時多有
不由偶語而直得選入者自前漢學所歸重實在
於五等第而卽今見行之規雖不習偶語皆可得
選事之乖舛莫此爲甚且別灣上軍官以譯官定
選事自本院入啓定奪之後自上又有蒙清兩學
別樣勸習之特教而漢學新偶語人數旣多無他
勸獎之事故別灣上一邊兒漢偶語與清偶語相
爲輪回之家學則反不得預爲家學方以此極爲
失望事之掣肘俱極爲不便矣今此赴京一邊兒

別灣上軍官一遶兒既爲勸習隅語之地已至十
數年之久到今革罷則非但譯官輩之失望此外
勸獎更無他道雖舊有獎誠難倖然減除若欲仍
任此兩遶兒責其實效亦不可不有所變通以存
當初設立之本意新設隅語十八等第革罷與所
謂新隅語舊隅語合爲一廳其中尤甚不才無將
來者則汰去新進中如有能文善語者則亦試才
許八每當使行臨時一體取才取其優等許令赴
京漢學五等第中有闕則亦以隅語中取才優等
者陞補俾無不習隅語而由他名色入選者則漢

學中稍有才學者必皆盡心於偶語八選五等第者亦將無非精熟偶語之人行之既久必得成純且漢偶語人數甚多而赴京一選兒不足以興起衆人之望凡使行赴京取才時又以之次一人許赴灣上清蒙學偶語人數雖有多少之不齊既有勸習之特教則亦不可取舍於其間與漢偶語今三次輪回許赴灣上則似無彼此稱寃之端自今後新爲定式施行似當至於蒙清倭三學亦皆有偶語之規各其學等第之闕亦必以偶語優等者陞補事一胥施行何如從之

補三十四年回還冬至正使李頤命啓曰彼中衙
譯輩丙子被虜人皆死即今通官皆是其子孫之
學習者言語生澁皆不通情我國譯官能言者絕
小皆以買賣爲心不復留意於言語且清語華語
相雜官語鄉話各異通語漸難殊甚可慮今行清
學譯官李碩才買得新刊滿漢切要者將欲納于
本院臣取看之則彼國亦慮兩語相雜以漢語解
清語以清語翻漢語極爲今晚令該院翻以我國
謗文用之李碩才亦爲優等題賞

補三十六年將通信于日本而譯官能言語者絕

少放釋崔尚燦于謫中以送之東萊府使以爲辱
國之人不可復送遂起復韓後援而送之

補英宗十二年左議政金在魯進啓頃年故判書
權尚游令譯官李續庚學習於家人一一劄錄以
來其後續庚更爲赴京用此書對話於家人則彼
此無不解通云今當盡棄舊書以此行用科式及
取才等事等第間自本院抄出蒙譯中年少聰敏
者十餘人學習其書仍令集革精寫一通以置今
依使臣所達就其中別擇一人八送于節使之行
使之廣加賞問如有差誤亦卽刊正以來以爲勸

課熟習之地何如上曰依爲之願丹子覽後當還下入之

補二十五年司譯院啓曰譯官之職責不輕而重必得人才之可堪任使者次第勸入然後可免緩急債事之患而近來事多不古生理倒懸譯官子板之稍有才華者抵死圖避爭趨他板前後違飭非止一再而亦莫可禁遏方來深遠之慮無甚於此故廣採院議詳度事勢譯官子板中抄得金履常李衡胤張志翰洪仁福金成九金漢卿金益瑞李邦昱李光益趙建泰等十人此皆年少有才藝

之類而如無別般勸獎之道則必將如前浪散誠
甚可悶矣別設一遞兒名之以別選以備前頭任
使節使別使之行一人式隨往使之學習漢語而
去來厨傳之弊亦不可不念赴燕時自備糧馬一
依偶語別差例施行何如上曰依爲之

補漢學教授古則勿論名望如何必以解漢語者
爲之今則有前例文書故每差下啓辭必曰其曉
解漢語云而徒以名官差下云

通禮院

新羅置司範署

高麗置通禮門掌朝會儀禮穆宗定閣門使副使祇

候文宗制判事知事兼官使引進使二人引進副使

閣門副使通事舍人四人祇候四人權知祇候六人

睿宗詔知閣門使立本品行頭神宗祇候文吏各三

人陞爲叅秩忠宣王

原本作忠烈王今釐改

改通禮門尋改爲

閣門判事以下皆復舊制唯祇候增爲八人減權知

祇候後又改爲中門改定使二人副使二人判官二

人舍人二人祇候十四人其四以卽將兼之後復改

通禮門以使爲判事恭愍王復改閣門如故後復改

通禮門引進使改副使引進副使改判官通事舍人

改舍人

吏屬承旨四人廳頭

原本作廳頭今釐改

二十八記

官一人

又置司儀署掌贊禮文宗定令一人承二人忠烈王增令二人吏屬史四人記官二人

本朝太祖元年因麗制置閣門掌朝賀祭祀贊謁等事有判事一員兼判事一員知事二員引進使二員兼引進使二員引進副使二員通贊舍人二員奉禮郎十員兼奉禮郎十員後改為通禮門太宗十四年改引進使為僉知事副使為判官通贊舍人為通贊後改為通禮院定左右通禮各一員相禮一員司禮

一員奉禮一員贊儀一員引儀八員一員兼漢城府
叅軍中宗朝增置兼引儀六員假引儀六員後減引
儀一員肅宗元年又減兼叅軍吏屬書吏五八庫
直一名使令十名軍士一名

英宗二十九年教曰大殿朝儀則贊儀稱典儀王
世子行禮則引儀稱掌儀王世孫行禮則引儀稱
司儀百官行禮則引儀稱導儀

掌隸院

高麗置都官掌奴婢簿籍決訟文宗定尚書郎中二
人員外郎二人忠烈王改郎中爲正郎員外郎爲佐

卽後併於讞部忠宣王復置恭愍王加員外郎二人
後加置提卽尋革提卽改正卽爲直卽佐卽爲散卽
後稱正卽佐卽 吏屬主事六人令史六人書令史
六人計史一人記官五人等士一人

本朝太祖元年因麗制置刑曹都官掌奴隸簿籍決
訟之事有知事一員議卽二員正卽二員佐卽二員
主事二員世祖十二年改爲掌隸院置判決事一員
司儀三員司評四員中宗十一年增置兼判決事一
員十五年減後又減司議二員司評二員英宗四十
年革罷還屬刑曹平院後爲保民司

補柳馨遠曰奴隸本屬刑曹故刑曹職掌隸司
及至奴隸漸多詞訟不勝其繁世祖朝始分刑
曹所掌別置掌隸院仍中國歷代及前朝所無
之司也當罷無起

濟生院

本朝太祖六年因趙浚言初置濟生院令各道每歲
輸納鄉藥材如惠民局例有知院事令丞注簿錄事
太宗十四年改令丞注簿錄事爲丞簿丞錄事副錄
事後革年代未攷

補國初趙浚等始置濟生院裒集諸方又採東人

經驗者名曰鄉藥濟生集頒諸中外陽村權近有
跋

太宗六年知院事許衡上言婦人有疾使男醫診
治或懷羞愧不肯出示其疾以致灰亡願擇倉庫
宮寺童女數十人教以脉經鍼灸之法使之救治
則庶益殿下好生之德矣上從之

宗簿寺

高麗穆宗置殿中省掌族屬譜牒有監少監丞納給
事文宗定判事監一人少監一人丞二人內給事一
人後改殿中寺改監爲尹少監爲少尹忠烈王改宗

正寺革判事改尹爲卿少尹爲少卿增置注簿忠宣王改爲宗簿寺置判事令副令丞注簿恭愍王復稱宗正寺後稱宗簿寺 吏屬主事四人令史四人書令史四人記官四人等士一人

本朝太祖元年置殿中寺掌親屬譜牒及殿內給事等事有判事二員卿二員少卿二員丞一員直長二員後改置宗簿寺掌撰錄璿源譜牒糾察宗室愆違之任有判事副令判官直長各一員後改副令爲少尹世宗二十一年增置都提調二員以屬尊宗親兼提調二員主簿兼主簿各一員世祖五年減判官及

無主簿改判事爲正少尹爲僉正後減僉正更屬
書吏十人庫直二名使令十二名軍士三名

○補定宗二年命宗室期大功之親皆令封君共與
駙馬勿任以事從大司憲權近之言也

世宗朝宗室諸親亦數會見置酒以成勸洽有服
之親皆隨材授職疏遠在野閑居者亦復戶蠲稅
以存恤之至於外戚待之亦得其宜又置宗學太
祖之孫凡屬宗籍者皆令受學

二十一年下教曰宗室僕隸豪橫民間無禁制故
也古者宗正掌親屬糾察愆違自今宗親過失令

宗簿寺糾理

補二十六年上爲未出閣諸宗預養擇師命集賢
殿慎簡其人咸曰生員金大來學問既精又以孝
登名于朝上又議于承政院皆曰可於是以前以教官
召之

尹子潑記曰本寺卽古之宗正寺也其職掌王族
以糾愆違纂譜源以正譜牒設官之嚴與柝府薇
垣相爲經緯

補顯宗十年備局啓曰司憲府啓辭文或科誅取
翌年宗親明善以下講四書三經畫同文科只取

四人一等一人二等一人三等二人一等陞三階
二等加二階三等加一階賜宴慶賀者載在前續
錄祖宗朝獎勸宗親意非偶然而此法之墜廢不
行久矣請令該曹稟旨舉行而明年是應行之年
也試期迫近難以盡誦經書姑依壬辰亂後文科
式年只講四書一經之規定棄施行令廟堂稟處
矣姑當依定式舉行而徃在壬子年間故蓬萊君
炯胤居首封君之後更無絀之者至于頃年該曹
亦欲修明古事而無應試之人仍致廢而不行誠
爲大典着令該曹預爲知委每到當行之年以額

試人員名數啓聞設行宜當至於只講四書一經之規則昔在祖宗朝庚子大比之科爲慮十年兵火書冊無存中外舉子收歿奔竄未遑於讀書亂後始設科舉將不能充額故只一番權行而其時亦議其苟簡矣宗室試藝旣非如科舉之不可廢者不必減去二經汲汲施行敢啓卷曰依啓二經勿爲減去可也

補肅宗二年殿講諸宗室於仁殿屋首者加資其餘施賞有差

本朝世宗九年

原本作三十二年今釐改

初置宗學掌宗室教誨

之任導善一人典訓一人司誨二人並以成均館司成以下典籍以上無燕山革罷中宗卽位初復置後又革年代未詳

補寶鑑曰初建宗學選有文行者爲博士以教宗親自是宗室咸遵禮則

補中宗九年命申宗室十五歲入學之禮侍講官閔壽十言禮無往教而王子師傅就家教之非禮也上曰誠然廢朝時宗學雖廢然十五歲謁聖入學猶且不廢予亦親行此是古制也其令宗簿寺

申明修舉

奉常寺

新羅置典祀署

高麗穆宗時有太常掌祭祀贈謚卿少卿博士司儀
齋卽文宗以太常府爲丙科權務官使一人三品兼
之副使一人五品兼之錄事四人忠烈王改太常府
爲奉常寺置卿二人少卿一人丞一人博士一人大
祝一人奉禮郎一人後改爲典儀寺置領寺二人皆
兼官改卿爲令省一人少卿爲副令增二人丞仍一
人草博士大祝奉禮郎置注簿一人直長二人錄事

二人又置判事恭愍王改太常寺改令爲卿副令爲
少卿革注簿復置博士判事丞直長錄事如故後復
稱典儀寺卿爲令少卿爲副令革博士置注簿餘並
仍 史屬置記事書者

本朝太祖元年曰麗制置奉常寺常祭祀及議謚等
事有判事二員卿二員少卿二員丞一員博士二員
協律郎二員大祝二員錄事二員太宗元年改博士
爲注簿卿爲令少卿爲副令丞爲判官九年改爲典
祀寺十四年改令爲尹副令爲少尹世宗三年復稱
爲奉常寺命判事以下俱以文官除之世祖十一年

改定都提調一員議政兼提調一員正一員副正一員僉正判官注簿各二員直長奉事副奉事叅奉各一員燕山加設直長奉事各一員中宗卽位初還革命直長以承文院著作兼奉事副奉事以成均館學諭學鐸兼叅奉以校書館正字兼後革副正減僉正判官各一員吏屬書員十五人庫直十名大廳直一名熟手六十名使令二名軍士二名

補紀年通攷曰太祖元年禮樂散逸太常職廢許稠爲奉常丞務去因循盡遵典故權近每稱之曰異日典禮我國者必此人也當爲第一

補尹子潞記曰奉常卽古之太常也職掌祭祀委
仕之重非他司比也世宗三年少尹以下俱以文
官除之上至判事皆爲久任考滿當遷者判事除
堂上官餘悉改而迄今遵爲永制蓋重其任也

分奉常寺

高麗穆宗時有司農卿掌供粢盛後廢之忠宣王置
典農司員吏出使者皆稱務農鹽鐵使尋改爲儲積
倉恭愍王復置司農寺判事卿少卿丞注簿直長十
九年置籍田官令一人隸本寺改稱典農寺改卿爲
正少卿爲副正

本朝太祖元年曰麗制置司農寺掌耕籍田穀及祠
祭酒醴陳設犧牲等事有判事二員卿二員少卿二
員丞一員兼丞一員注簿一員直長二員太宗元年
改稱典農寺掌供粢盛增置令副令正副正十四年
改令正爲尹副令副正爲少尹後併於奉常寺稱分
奉常寺員額并草東籍田西籍田屬焉以奉常寺郎
官二員分掌主管

司僕寺

新羅置乘府掌車乘景德王改爲司馭府

弓裔泰封置飛龍省

高麗文宗置太僕寺掌輿馬廐牧有判事卿一人少卿一人丞一人注簿二人忠烈王革判事增卿爲二人改司僕寺以尚乘典牧諸牧監併焉置令事一人兼之正二人其一兼官副正二人其一兼官丞三人直長二人後改爲判事副令丞直長恭愍王復稱太僕寺革副令置卿改直長爲注簿判事丞如故尋復稱司僕寺改卿爲正加置副正復改注簿爲直長後復稱太僕寺又改正爲卿副正爲少卿直長爲注簿復稱司僕寺又改爲正副正直長吏屬書史四人記官一人

穆宗又置尚乘局掌內厰有奉御直長忠宣王改奉
車署以奉御爲令恭愍王復改尚乘局以令爲奉御
尋復舊又稱奉御恭讓王併於重房 吏屬書令史
四人承旨五十人

文宗又置典牧司定判事以省宰爲之使二人樞密
及六尚書爲之副使二人判官一人叅上錄事乙科
權務

○補趙浚上書曰司僕掌乘輿之馬政周伯冏之任
也親近左右其選最重而別立內乘內豎之徒專
掌其職其收芻藁也劫奪萬端轉輸入城農牛瘡

什疫殘畿縣毒流諸郡自今畿內芻藁詐馬定數
分月而供以除民弊

本朝太祖元年曰麗制置司僕寺掌輿馬廐牧等事
有判事二員卿二員少卿二員注簿一員兼主簿一
員直長二員後改定提調二員正一員副正一員僉
正一員判官一員主簿二員兼司僕五十員燕山增
置僉正判官主簿各一員直長副直長各三員奉事
四員副奉事五員叅奉七員中宗卽位初減增置員
後減副正 雜職安驥調驥理驥保驥各一人理馬
四人馬醫十八人庖馬陪十一人吏屬書吏三十人庫

直四名大廳一名使令十一名軍士二名

又置監牧官分監諸道牧場

詳見外官

臣謹按兼司僕令與禁軍并爲一廳隸於龍虎營而輿地勝覽載於司僕寺果是正官則員數豈若是多乎似有中間沿革而未可攷

內資寺

高麗穆宗置大官署掌祀宴饌膳有令文宗迄今二人丞四人忠烈王改爲膳官署恭愍王改大官署尋改膳官署吏屬史六人記官二人等士一人又置雲璈倉忠宣王併於富興倉尋改爲義成倉置

使副使丞忠肅王改爲內房軍罷員吏尋復爲義成
倉置員吏委糾正監之恭愍王復稱內房軍罷祿官
及糾正置提舉別監

本朝太祖元年曰麗制置義成庫太宗三年改爲內
資寺掌內供米麵酒醬油蜜蔬果內宴織造等事有
令副令正副正十四年改令正爲尹改副令副正爲
少尹後改定提調一員正一員副正一員僉正一員
判官一員主簿一員直長一員奉事一員後減正副
正僉正判官一員 吏屬書員六人軍士一名

內膳寺

高麗忠宣王時有德泉倉使副使丞忠肅王改爲德泉庫罷員吏尋復置員吏委糾正監之恭愍王罷祿官及糾正置提舉別監

本朝太祖元年曰麗制置德泉庫太宗三年改爲內膳寺掌諸宮殿供上二品以上酒及倭野人供饋織造等事有令副令正副正十四年改令正爲尹副令副正爲少尹後改定提調一員正一員副正一員提檢一員僉正一員判官一員主簿一員直長一員奉事一員仁祖十五年減正副正提檢僉正判官吏屬書員五人庫直一名軍士一名

司道寺

高麗置滿用司掌御廩米穀忠宣王改爲料物庫有使副使注簿

本朝太祖元年因麗制置料物庫有使一員副使一員注簿二員太宗元年改爲供正庫員額如故十四年改注簿爲丞後改爲司道寺掌御廩米庫及內供芥醬等物定提調一員正一員副正一員僉正一員主簿一員直長一員後減副正僉正肅宗二十八年減正復置僉正吏屬書負八人庫直三名軍士一名

禮賓寺

新羅置領客庫本名倭典後改爲領客典後改爲司賓府

方裔泰封置封賓府

高麗太祖置禮賓省掌賓客燕享成宗改客省後復改禮賓省文宗定判事卿一人少卿一人丞二人注簿二人忠烈王改典客寺革判事增卿爲二人減丞爲一人尋改禮賓寺改卿爲尹少卿爲少尹忠宣王復改典客寺改置領事二人兼官復置卿爲令少卿爲副令增二人丞增二人恭愍王復稱禮賓寺復改

令爲卿副令爲少卿 吏屬書史八人令史八人記
官四人算士一人承旨四人孔目十五人都衙十五
人

本朝太祖元年曰麗制置禮賓寺掌賓客宴享宗宰
供饋等事太宗三年義順庫併於本寺有判事二員
卿二員少卿二員承一員兼承一員注簿二員兼注
簿一員直長二員錄事二員後改定提調一員戶曹
判書例兼正一員副正一員僉正一員提檢二員別
坐二員判官一員別提二員主簿一員直長一員奉
事一員叅奉一員後減副正僉正判官提檢別坐直

長甫宗元年減叅奉復置直長景宗元年減正英宗十八年減別提二員增置叅奉二員更屬書員五人庫直一名使令四名軍士一名

太宗朝聞禮賓寺以陳朱養池魚月費十斗上曰朱雖陳腐不猶愈於蔬菜乎人有飢饉而不能救何用養魚其罷之

臣謹按國初以大臣宣飯所掌創置本寺而宣飯革廢年代未詳

司膳寺

高麗忠烈王置濟用司有知事二人使四人其二兼

官副使二人其一兼官丞二人忠宣王改爲資贍司
革知事丞增置注簿尋罷恭讓王置資贍楮貨庫尋
又罷

本朝太宗朝置司贍署丞一員尋改丞爲注簿後改
署爲寺掌造楮貨及外厓奴婢貢布等事定提調一
員正一員副正一員僉正一員注簿一員直長一員
丙子亂後革罷屬於濟用監仁祖二十二年曰戶曹
判書鄭太和建言復置提調以戶曹叅判例兼卽廳
有二員肅宗三十一年吏曹判書李頤命奏曰司贍
寺奴婢貢木今則移屬於戶曹官員無所掌而只守



